

ՖԵԼԻՔՍ ՉԻՄ. ՀԱՅԿԱԿԱՆ ԾԱԳՈՒՄ ՈՒՆԵՑՈՂ ԾՈՎԱՆԿԱՐԻՉ

ԱՐԱ ՂԱԿՈՔՅԱՆ

*Արվեստագիտության թեկնածու,
ՂՊՄՇ դոցենտ, ամբիոնի վարիչ*

XIX դարի գեղանկարչական արվեստի անցողիկ ու խառնակ շրջանում է ստեղծագործել Բարբիզոնյան դպրոցի ներկայացուցիչ Ֆելիքս Չիմը: Նրա արվեստը կամուրջ է հանդիսացել սույն դպրոցի և իմպրեսիոնիզմի միջև՝ ըստ էության համարվելով իմպրեսիոնիզմի նախակարադետներից մեկը, նրան անվանել են օրիենտալիզմի և հազար ու մի գիշերների նկարիչ:

Ֆելիքս Չիմը (Ֆելիքս Ֆրանսուա Ժորժ Ֆիլիբեր Չիմ) ծնվել է 1821 թ. փետրվարի 26-ին Ֆրանսիայի Բոն քաղաքում: Նրա հայկական ծագման մասին կան մի քանի փաստեր, որոնցում դրանց հեղինակներն անդրադառնալով նկարչի կենսագրությանը նշում են Չիմերի՝ Էրզրումից եկած լիմելու տարազան: Դրանցից առավել կարևոր է նկարչի կենդանության օրոք գրված Լուի Ֆուրնիեի «Մեծ նկարիչ, Ֆելիքս Չիմ» աշխատությունը: Այդտեղ կարդում ենք. «Մեր նկարչի տատը՝ Ժան Չիմը եկել է Էրզրումից, որը հայկական քաղաք է: 1770 թ. նա մասնակցել է Լեհաստանի դեմ տատերազմին, որից հետո հաստատվել է Լեհաստանում... 1780 թ. նա ամուսնացել է Կեստրին Կրուգերիկին հետ: 1783 թ. դեկտեմբերի 22-ին ծնվում է նրանց որդին՝ Ժորժ Բարթելեմին, որը Ֆելիքս Չիմի հայրն էր: 1807 թ. Ֆրանսիացիների կողմից Դանցի գրավման ժամանակ գերի է բնկնում և տեղափոխվում է Բոն, ուր և բնակություն է հաստատում: Ազատություն ստանալով նա դառնում է դերձակ: 1810 թ. ապրիլի 25-ին ամուսնանում է Ֆրանսուազ Թիմոնի հետ, որը մահանում է 1818 թ. դեկտեմբերի 14-ին: Մեկ տարի անց նա ամուսնանում է երկրորդ անգամ՝ Ան-Մարի Գուդոյի հետ: Այդ միասնությունից 1821 թ. փետրվարի 26-ին ծնվում է նկարիչ Ֆելիքս Չիմը»¹:

Սիա թե ինչ է գրում Ֆելիքս Չիմը իր օրագրում. «Իմ մայրը՝ Ան Գուդո դը Նյուիկն, ամուսնացած է եղել իմ հոր՝ Ժորժ Բարթելեմի Չիմի հետ, որը ծագումով լեհ, արմատներով հայ էր: Պատերազմի տատճառով տեղափոխվել են Ֆրանսիա և հաստատվել Բոնում»²:

Արվեստաբան Ան Բուրդեն-Էլլեբրանթը 1998 թ. Catalogue raisonné-ի առաջին հատորում գրում է. «Ծնված 1821 թ. փետրվարի 25-ին, Բոն քաղաքում, Ֆելիքս Ֆրանսուա Ժորժ Ֆիլիբերը դերձակ Ժորժ Բարթելեմի Չիմի (որը ծագումով լեհ, արմատներով հայ էր) և Ան-Մարի Գուդոյի որդին էր»³:

2011 թ. Չիմի ցուցահանդեսի առիթով հրատարակված «Ֆելիքս Չիմ. ճանապարհորդություններ, տղավորություններ և տարադրսներ» կատալոգում

կարդում ենք. «1821 թ. փետրվարի 25-ին Բոն քաղաքում ծնված Ֆելիքս Ֆրանսուա ժորժ Ֆիլիբեր Չիմը, դերձակ ժորժ Բարթելեմի Չիմի (որը ծագումով լեհ, արմատներով հայ էր), և Ան-Մարի Գոդոյի միակ որդին էր»⁴:

Չիմի հայկական ծագման մասին է ակնարկվում նաև Օնիկ Ավետիսյանի *Նայ նկարիչները և քանդակագործները* գրքում⁵:

Մեզ համար հույժ կարևոր այս տողերը համոզիչ փաստարկներ են Ֆելիքս Չիմի հայկական ծագման վերաբերյալ:

Փաստորեն Ֆելիքս Չիմի հայրը՝ ժորժ Բարթելեմի Չիմը (1783-1849) եղել է ազգությամբ հայ, Էրզրումցի Ժան Չիմի որդին: Ժորժ Բարթելեմին եղել է դերձակ, որը ժամանակին գաղթել էր Լեհաստան, իսկ նկարչի մայրը՝ Ան-Մարի Գոդոն (1782-1837) Ֆրանսիայի Բուրգունդիա նահանգի Նյուի Սեն ժորժ ավանից էր և սերում էր ջուլիակների ընտանիքից: Ֆելիքս Չիմի հայրը ֆրանս-դրուսական դատերազմի ժամանակ գերեվարվել և հայտնվել է Ֆրանսիայում՝ Բոնում: 1833 թ. Չիմի ընտանիքը լքում է Բոնը ու տեղափոխվում Դիժոն:

Ֆելիքս Չիմը մանկությունն ամրել է Բուրգունդիայում, որտեղ 1837-1838 թթ. Դիժոնի գեղարվեստի դպրոցում սովորում է ճարտարապետության և գծակարի դասարաններում: Այդտեղ՝ 1938 թ. քննության ժամանակ, ճարտարապետական կոմդոգիցիա կատեգորիայում արժանանում է առաջին մրցանակի: Սակայն անկարգադաշտության և անհնազանդության դատաճառով զրկվում է մրցանակից, իսկ անհարգալից դասիվածքի համար հեռացվում է դպրոցից:

1839 թ. առազա նկարիչը թողնում է Դիժոնը և տեղափոխվում Մարսել. ի դեռ, Մարսելում բնակվում էր իր խորթ եղբայրը: Այդտեղ Ֆելիքսը ամրապնդում էր հայթայթելու համար որդես գրասենյակային ծառայող աշխատում է ճարտարապետ Ս. դը Մոնրիշիեի մոտ, որը զբաղվում էր Մարսելի ջրանցքների կառուցադրմամբ: Ֆելիքսը մեծ հաջողությամբ մասնակցում է քաղաքի շատրվանների գծագրման ու կառուցման աշխատանքներին, ստեղծում միաժամանակ քաղաքի հին առանձնատները դատկերող գրաֆիկական աշխատանքներ: Սիա և Մոնրիշիեն Չիմի երկու ջրանկարները ներկայացնում են դ'Օդեանի դուքսին: Վերջինս հավանելով երիտասարդ նկարչի գործերը՝ նրան դատվիրում է երեք ջրաներկ աշխատանք: Նրա կոչումն այլևս որոշված էր՝ նա դեռք է նկարիչ դառնար:

Շուտով քաղաքի հին նավահանգստի շրջակայքում Չիմը բացում է նկարչական դպրոց-արվեստանոց, որտեղ իր ուսուցման բարձր վարդեստության շնորհիվ ունենում է քսանից ավելի աշակերտներ:

1841-ին Չիմը որոշում է ճանադարհորդել դեպի Իտալիա: Ճանադարհին կանգ է առնում Նիցցա քաղաքում, որտեղ կարողանում է վաճառել մի քանի նկար: 1842 թ. Չիմը հասնում է Ղեռն: Իտալիան, առավել ևս՝ Վենետիկը հետագայում դառնում է իր ստեղծագործությունների ոգեշնչման քաղաքը: Նա միան-

գամից զմայլվում է վենետիկյան շլացնող գեղեցկությամբ և ողջ կյանքի ընթացքում ղափակվում է այդ հրաշալի քաղաքը:

1842-1847 թթ. Չիմը շրջում է գրեթե ողջ Իտալիայով: 1849 թ. գալիս է Փարիզ և մի որոշ ժամանակ անց, ստեղծագործելու նկատառումով տեղափոխվում է քաղաքի մոտակայքում գտնվող Ֆոնտենբլոյի անտառների շրջակայքը: Այդտեղ ծանոթանում և մտերմիկ հարաբերություններ է ստեղծում Բարբիզոնյան դպրոցի⁶ առաջին վարդետներ՝ Թեոդոր Ռուսսոյի, Նարսիս Դիասի և Ժան-Ֆրանսուա Միլլեի հետ: Չիմին վերաբերող մի շարք աղբյուրներ վկայում են, որ գեղանկար աշխատանքների գլխավոր թեմաներն առավել լավ վերարտադրելու նպատակով Չիմը Բարբիզոն անտառում բնակվել է գնչուական քառանիվ սայլի մեջ⁷: Նենց այդ միջավայրում Չիմի մոտ ձևավորվում են Բարբիզոնյան դպրոցի գեղարվեստական միտումները, և շուտով նա դառնում է այդ ուղղության երևելի ներկայացուցիչներից մեկը:

Ստեղծագործելով բարբիզոնցիների հետ՝ Չիմը, սակայն, իր կառքը չի խզում փարիզյան միջավայրից: Ընդհանրապես նկարչի արվեստի կատարելագործման մեջ մեծ նշանակություն են ունեցել Փարիզում գտնվող նկարչական տարբեր արվեստանոցները: Նա առավել մտերմանում է Բարբիզոնյան դպրոցի խոշորագույն վարդետ Ժյուլ Դյուրենի հետ: Շփումները, նաև փարիզյան միջավայրն ամբողջությամբ փոխում են Չիմի գեղարվեստական ընկալումները: 1849 թ. արվեստագետն առաջին անգամ ցուցադրվում է փարիզյան սալոնում, ուր ներկայացնում է Բոսֆորի, Վենետիկի և Ղոմի տեսարանները: 1859-ից Չիմը տեղափոխվում է Փարիզի Սոնմարտր թաղամաս, որտեղ մեծ մասամբ ստեղծագործում էին ժամանակի նոր ուղղությունների կողմնակիցները: Սակայն առթելով այդ միջավայրում, անդրադառնալով նորարարական ձևերին՝ Չիմը այնուամենայնիվ ղափում է Բարբիզոնյան դպրոցի ավանդույթները:

Որոշ ժամանակ անց Չիմը մեկնում է Ֆլանդրիա, որտեղ ուսումնասիրում է XVII դարի խոշորագույն բնանկարիչների արվեստը: Ընդհանրապես 1840-1880 թթ. նկարիչը շրջագայում է Եվրոպայի և Արևելքի երկրներում, լինում է Անգլիայում, Նոլանդիայում, Բելգիայում, Սիցիլիայում, Ռուսաստանում⁸, Կոստանդնուպոլսում⁹, Ղունաստանում, Ալժիրում, Բեյրութում, Եգիպտոսում... Սակայն իր երազների քաղաքը այդպես էլ մնում է Վենետիկը, ուր այցելում է տարին երկու անգամ:

1860 թ. Չիմը տեղափոխվում է Մարտիգ, որտեղ կառուցում է իր արվեստանոցը: Ի դեպ, հենց Մարտիգը համարվում էր Պրովանսի Վենետիկը, երևի դա էլ ղատճառ է հանդիսացել այդտեղ Չիմի երկարաժամկետ մնալուն: Ակտիվ շփվելով մշակութային կյանքին՝ նա մասնակցում է Փարիզում կազմակերպված սալոններին, իսկ 1861 թ. Չիմին տեսնում ենք Լոնդոնի համաշխարհային ցուցահանդեսում:

1851 թ. խմբակային ցուցահանդեսին Չիմին շնորհվում է երրորդ կարգի, իսկ 1852 և 1855 թթ.՝ առաջին կարգի մեդալներ: 1857 թ. նա արժանանում է «Պատվո լեզնոն» աստիճանի կոչման, 1878-ին՝ սոլայի և վերջապես 1908-ին՝ հրամանատարի:

1870 թ. արվեստագետը դառնում է Ֆրանսիացի նկարիչների սալոնի ժյուրիի անդամ, որտեղ նա ցուցադրվել է անընդմեջ: Այդտեղ Չիմը մեծ աջակցություն է ցուցաբերում իմպրեսիոնիստներին¹⁰:

1880 թ. Չիմը նոր արվեստանոց է զբաղեցնում Նիցցայում, որտեղ առիթների ունեցավ շփվել եվրոպական բարձր արիստոկրատիայի ներկայացուցիչների հետ: Նրանցից ոմանք նկարչություն են սովորում Չիմի մոտ:

1901 թ. նշանակվում է ռազմածովային նավատորմի ղաշտոնական նկարիչ: 1905 թ. Le Petit Palais թանգարանում ֆրանսիայի նախագահ Էմիլ Լուիսի ներկայությամբ տեղի է ունենում Չիմի գեղանկարչական հավաքածուի հանդիսավոր բացումը: 1908 թ. Մարտիզում Չիմը բաց է անում իր տուն-թանգարանը:

Նկարիչը մահացել է 1911 թ. նոյեմբերի 10-ին Փարիզում՝ 90 տարեկանում:

Խոսելով Ֆելիքս Չիմի գեղարվեստական ստեղծագործությունների մասին՝ ղետք է նշենք, որ արվեստագետը հաջողությամբ աշխատել է նկարչական տարբեր տեխնիկաներով. օգտագործել է գրաֆիկական բազմաթիվ նյութեր, նկարել ջրաներկով, գուաշով: Պահպանվել են յուղաներկով արված գործեր՝ նույնիսկ կատարված թղթի վրա, որոնք դիտվել են որդես ջրաներկ աշխատանքներ: Կիրառել է խառը տեխնիկա, շատ ժամանակ՝ ստեղծագործել աղակու կամ քարի վրա: Նրա կտավներում հարթ քսվածքների կողքին երևում են ներկադանակի կիրառման հետքեր: Ֆելիքս Չիմն օգտագործում էր բնական ղիզմենտներ: Արվեստագետը սկզբնական շրջանում ճանաչման է հասել որդես ջրանկարի վարդես: Նա ջրանկարի դասեր է ուսանել Մարսելում և Նիցցայում, կազմակերպել է մասնավոր դասընթացներ:

Իր ճանաղարհորդությունների ընթացքում հետաքրքրասեր գեղանկարիչը ստեղծել է Էկզոտիկ զանազան տեսարաններ, դիմանկարներ, թեմատիկ ղատկերներ, նատյուրմորտներ, բազմաթիվ են նրա անիմալիստական նկարները: Այսուհանդերձ, Չիմի նախասիրած ոլորտը ծովն էր: Նկարիչը համահռչակ ճանաչման հասավ Կոստանդնուղուլսի և Վենետիկի ծովային նկարչագեղ տեսարանների շնորհիվ: Նա «Ադրիատիկի գեղեցկուհու» ղատկերներով կարծես շարունակեց վենետիկյան *վեդուտայի* ներկայացուցիչների գործը, միայն թե թարմ ու նոր շնչով:

Ֆելիքս Չիմի ծովային բնաղատկերների ընդհանուր բնութագիրը մեզ հղում է գեղանկարչական երկու սկզբնաղբյուրի: Առաջինը՝ Բարբիզոնյան դղրոցի ազդեցությամբ սկիզբ առած բնության զգայուն, հոգեհարազատ մեկնաբանությունն է, երկրորդը՝ վենետիկյան ծովախորշի և քաղաքային բնաղատկերի՝ *վե-*

դուտայի արվեստը: Արդեն իսկ նշվել է, որ իր բազմաբովանդակ կյանքի ընթացքում առիթ է ունեցել շփվելու թե՛ արևելյան, թե՛ արևմտյան մշակույթներին և իր մեջ ներամփոփել այդ երկու շերտերի կարևոր հատկանիշները: Պատահական չէ, որ նրա ուշադրությունից դուրս չեն մնացել Կ. Պոլսի XIX դարի քաղաքային եռուգեոր, ճոխ արևելյան կենցաղային հանդերձանքը և այն ընդհանուր գրավիչ մթնոլորտը, որը դարի կեսից սկսած դեղի իրեն էր ձգում եվրոպացի նկարիչներին: Եթե եվրոպական արվեստի համար Արևելքի անդրադարձները Էկզոտիկ բնույթ կրեցին և անվանվեցին «օրիենտալիստական», առաջ Զիմի տարագայում դիտարկումները փոքր-ինչ այլ էին: Նկարիչը երևույթներին մոտենում է կարծես ներքին դիտարկումից հրճվալի հայացքով: Արևելյան շուքը, քաղաքի գեղեցկությունը Զիմի մոտ մեկնաբանվում են Բոսֆորի կաղուտակ ջրերի խորքային հեռուներից, ինչը ողջ տեսարանը դարձնում է ավելի թրթիռային և տոնական:

Զիմի ծովային տատկերներին բնորոշ է քաղաքի ցամաքի ներգրավումը հորիզոնի հեռավոր հարթությունների կտրվածքում: Տեսարանները ընդհանուր առմամբ համայնատատկերային են, և ծովը դառնում է մարդկային կյանքի և ընթացքի վկան և նույնիսկ ակտիվ գործող անձը: Կ. Պոլսի ծովային տատկերների պլոմեներն ու վերնագրերն իսկ վկայում են մարդ-բնություն ներդաշնակության մասին. «Կոստանդնուպոլիս», «Արևամուտը Բոսֆորի ափերին: Սբ. Սոֆիայի տաճարը» (գուն. տատկ. 4), «Առագաստանավը Բոսֆորում», «Բոսֆորի տեսարանը»: Այս ծովատատկերների գունաշարը միօրինակ չէ և կախված է տատկերված օրվա ժամից, ընդհուպ մինչև նկարի ներսում իշխող տրամադրությունը: Որոշ նկարներում իշխում է դեղնաօքրան, իսկ առավել մեծ քանակի գործերում գերիշխողը երկնագույնի և կաղույտի տոնային մուրբ անցումներն են՝ տեղ-տեղ շղարշված մոխրասպիտակ օդային բուլաներով: Նասկանալի է՝ ծովը ամենուր ծով է, և չնչին տարբերություններով միանման է բոլոր հարթություններում: Սակայն Զիմի ծովը տարբեր է մյուս ծովերից, քանզի նրան հետաքրքրում է հեռահայաց ընդգրկումը ծովախորշի խորքերից: Բոսֆորի ջրերից երևում է Պոլիսը՝ իր հանրահռչակ Սուրբ Սոֆիայի կորագմբեթով և միմարեթներով, սուլթանական տալատով, նշմարվում են փողոցները, մարդկային ֆիգուրները, ծովախորշի ալիքներից տատանվող առագաստանավերը, լաստանավերը, ծովափին հետուռառջ ընթացող բեռնակիրները, սուլթանական նավերը՝ կանանոցով:

Զիմին հետաքրքրող քաղաքային դրվագները և բնության տարերքները տարաբնույթ ձևակերտումներ են ստացել, որոնցից առավել առիւնքնող են վեներտիկյան մարմնավորումները: Սրանցում մոտեցումը նախորդի համեմատ գրեթե չի փոխվել, սակայն հասկանալի է, որ փոխվել է քաղաքային միջավայրի տատկերումը: Այսուհետ գեղեցկուհի Վենետիկը դառնում է նկարչի ոգեշնչ-

ման աղբյուրը, ինչդեռ եղել է շատերի համար: Աղբիատիկի ջրային տիրույթներից լայնահորիզոն տեսարան է բացվում դեղի Սբ. Մարկոսի հրադարակը, որտեղ ուրվագծվում են տաճարի զմբեթները, Դոժերի տալատի կեռագծային քիվերը, մարդկային ֆիգուրները: Մեկ այլ տեսարանում վեներտիկյան Մեծ ջրանցքը՝ հանրահռչակ Ռիալտոյի կամրջով նավակը հայացքի հետ միասին սահեցնում է վեներտիկյան նեղլիկ անցումներով: Մեկ ուրիշում ծովախորշից հեռվում երևում է Սբ. Սալյուտե տաճարը: Եվ ամենուր անկայուն գծով երերացող գոնդոլներ, գոնդոլիերներ, երգիչներ և համընդհանուր ժոմանտիկ տրամադրություն: Եթե Կ.Պոլսի միջավայրում արևելյան եռուզեռն էր իշխում, առաջ Վեներտիկում՝ ամենուրեք բարձրատոհմիկների շքեղ հանդերձված խմբեր: Վեներտիկյան ջրերի ընդհանուր անդրադարձները ակամայից թեթև, սահուն, նուրբ քսվածքներով ստեղծված մթնոլորտ են ձևավորում, որում ակամայից սկսում են նշմարվել իմդրեսիոնիստական գունատոնային խաղերը: Ղետաքրքրական մի դիտարկում ևս. Ֆելիքս Չիմի վեներտիկյան լատկերներում դրսևորվում են դեռևս նոր չձևավորվող իմդրեսիոնիստական տարրեր, այն դարագայում, երբ խոսքը վերաբերում է ծովային տարերքին, իսկ շատ դրվագներում, երբ բնության գրկում մարդկային ֆիգուրներն են ներկայանում, ակամայից առաջ է գալիս բեմական թատերայնություն՝ կարծես սկիզբ առած Անտուան Վատտոյի կնամեծար տեսարաններից, և, որքան էլ տարօրինակ հնչի, անմիջականորեն հիշեցնող Ադոլֆ Մոնտիչելիի նույն բովանդակությամբ տեսարանները: Չիմի վեներտիկյան շարքից հիշատակելի են «Ծովային տեսարան: Վեներտիկի շրջակայքը», «Վեներտիկ», «Նավակները Վեներտիկի շրջակայքում», «Գոնդոլները Վեներտիկի Մեծ ջրանցքում» (գուն. տատկ. 5), «Ղանգիստ ծառերի տակ Վեներտիկի շրջակայքում», «Տոնակատարություն Վեներտիկում» ստեղծագործությունները:

Չիմի ծովային լատկերներն առանձնանում են հարուստ գունաշարով ու ամթերի կատարմամբ: Իր մի շարք ստեղծագործություններում նկարիչը մոտենում է վերացական արվեստի դայմանական ձևերին: Այդտեղ ակնառու երևում է անգլիացի նկարիչ Ուիլյամ Թյորների ազդեցությունը: Այդդիսի նկարներում եթե նկարիչը առաջին լույսում դեռ լուսնում է սյուժեի դայմանական, սակայն ռեալիստական մոտեցումը (մարդկային ֆիգուրները, նավակների ճշգրիտ ուրվագծերը, ծովափնյա կառույցների ճարտարադասությունը), առաջ կտավի երկրորդ, երրորդ լույսներում և առավել ևս հորիզոնից վեր՝ երկնքում, Չիմը հասնում է վերացական, ասել է թե՛ արստրակտ ձևերի: Իհարկե, ինչդեռ սավեց, դա մեծն Թյորների ազդեցությունն էր: Ղենց դա էլ առիթ է տվել մի շարք արվեստաբանների Չիմին համարել նաև մոդեռն արվեստի ներկայացուցիչ:

Պարզ է մի բան, որ աղբյուրով եվրոպական միջավայրում Ֆելիքս Չիմը ամ-

բողջովին ներծծվում է եվրոպական գեղագիտությամբ, բայց և իր ուրույն խոսքն ասում այդ նույն գեղագիտության մեջ:

Փաստորեն, հայկական ծագում ունեցող աշխարհահռչակ նկարիչներից ինչդեպ ժողովրդի դարաշրջանի ֆրանսիացի դիմանկարիչ, արվեստի գործերի գիտակ և նկարավաճառ Ժան Անդրե Ժոզեֆ Ավեդյե (1702-1766), Բուխարեստի գեղարվեստի ազգային դպրոցի հիմնադիր, ռումինացի նկարիչ Թեոդոր Ամանը (1831-1891), Մյունխենի գեղարվեստի դպրոց-ստուդիայի ղեկավար, հունգարացի Շիմոն (Միմոն) Նոլոշին (1857-1918), Տեր-Աքսենտովիչների հայկական տոհմից սերող՝ Կրակովի գեղարվեստների ակադեմիան գլխավորած, «Շուուկա» ընկերության հիմնադիրներից լեհ նկարիչ Թեոդոր Աքսենտովիչը (1859-1938), այնպես էլ Ֆելիքս Չիմը դարձավ համաշխարհային հռչակ վայելող արվեստագետներից մեկը:

- 1 L. Fournier, *Un Grand Peintre, Felix Ziem*, Beaune, 1897, p. 13.
- 2 Stéu P. Miquel, "Felix Ziem, 1821-1911", *Catalogue Raisonné*, Paris, 1978, էջ 17:
- 3 A. Burdin-Hellebranth, «Felix Ziem, 1821 – 1911», *Catalogue Raisonné*, T. I, 1998, p. 21.
- 4 N. Durand, L. Ménetrier, F. Baille, *Felix Ziem: Voyages, Impressions et Paradoxes*, Catalogue, Musée de Beaux-arts, 2011, p. 176.
- 5 O. Avedissian, *Peintres et sculpteurs Arméniens*, Le Caire, 1959, p. 147.
- 6 Ֆոնտենբլո անտառում գտնվող Բարբիզոն գյուղի մոտ ստեղծագործող մի խումբ բնանկարիչներ կոչվեցին Բարբիզոնյան դպրոցի ներկայացուցիչներ:
- 7 Կան տեղեկություններ, ըստ որոնց Բարբիզոն գյուղի մոտ Չիմը անգամ գնել է մի տուն, որտեղ աղբյուրով և ստեղծագործելով ավելի լավ է զգացել շրջակայքի կենցաղը ու միջավայրի բնորոշ հատկանիշները:
- 8 Սյդտեղ, 1843-1844 թթ., հրավիրված լիմելով արքայազն Գագարինի կողմից՝ նա ջրաներկի տեխնիկայով նկարել է սովորեցնում բարձրաշխարհիկ հասարակության անդամներին:
- 9 Չիմը Կոստանդնուպոլիս առաջին անգամ հասել է 1856 թ.:
- 10 Որոշ տեղեկությունների համաձայն Չիմը մեծ դերակատարություն է ունեցել ֆրանսիացի ինդյուստրիալ Ստեֆան Գյուր Մոմենի արվեստի աշխարհի մուտք գործելու գործում, իսկ 1886 թ. հանդիմել է Վինսենթ Վան Գոգի հետ, վերջինս հիացմունքով է արտահայտվել Չիմի կիրառած գույների մասին մասնավորապես շեշտել է կադույսների վարդեառ օգտագործումը: Բացի այդ, 1897-ից Չիմը մտերմանալով բանդակագործ Օգյուստ Ռոդենի հետ՝ նվեր է ստանում է նրա գործերից մեկը:

FÉLIX ZIEM: THE MARITIME PAINTER OF ARMENIAN ORIGIN

ARA HAKOBYAN,
PhD in Art history,
Associate Professor and
Head of the Chair at ASPU

The Armenian society of art lovers is mostly unfamiliar with the French Artist Félix Ziem. This is the first public attempt to get acquainted with the works by this talented artist and be aware of his Armenian origin through the researches published in the period of his professional trajectory. This maritime painter, who bridges up The Barbizon School and Impressionism, currently, is of considerable interest for the professional circles. The paper comprises an interpretation of the seascapes created by the Painter that are attributed to the periods of his creativity in Venice and Constantinople. The scenes created by his brushstrokes – through the peace and serenity – seem to tranquilize the viewers' spirit and to incite somehow hidden sense of eternity.

ФЕЛИКС ЗИМ. МАРИНИСТ АРМЯНСКОГО ПРОИСХОЖДЕНИЯ

ԱՐԱ ԱԿՕՅԱՆ
Кандидат искусствоведения,
доцент и заведующий кафедрой в АГПУ

Имя французского художника Феликса Зима в основном неизвестно армянским любителям искусства. Это первый случай, когда благодаря своевременно изданным исследованиям, узнаем о талантливых произведениях художника и об его армянском происхождении. Художник, который являлся мостом между “Барбизонской школой” и импрессионизмом, сегодня вызывает большой интерес в профессиональной среде. В статье представлены наиболее свойственные художнику венецианские и константинопольские виды. Его мирные и спокойные пейзажи словно успокаивают душу зрителя и в какой-то степени создают впечатление скрытой вечности.